

泰州志卷之十一

鹽法

古者夙沙氏始煮海爲鹽夏書貢於青州周禮掌之鹽人至管子相齊遂以鹽利充國用漢吳王濞立國廣陵煮海爲鹽無賦而用饒此海陵鹽利見於載籍之始也武帝時鹽鐵領於大農丞官給牢盆於是私鬻之禁至唐裴耀卿第五琦劉晏杜佑諸人相繼爲發運使鹽利居天下賦稅之半宋立中鹽之法元立買引之法明初召商納粟中鹽嘉靖以後鄆懋卿魯保等不知經畫鹽法大壞我

泰州志

卷之十一

鹽法

朝監中海支之失草去常股諸名而歸之綱食一切引課悉輸於

天府加以優恤聽商得自爲業者曰根窩其屆年支運亦聽商轉相撥運曰年窩諸商皆憑引單買鹽於場每歲引額課程有定行銷有界具詳鹽法志中至煎鹽之民皆濱海而居煎鹽竈戶謂之竈丁各場有亭場有池竈丁曬灰於場取滷於池煮鹽於竈而售於垣在垣收鹽者謂之場商皆統於大使及分司通州分司領場九曰豐利曰掘港曰石港曰金沙曰呂四曰餘西曰餘東曰角斜曰拼茶泰州分司領場十一曰富安曰安豐曰梁

塹曰東臺曰河塹曰丁溪曰草堰曰劉莊曰伍祐曰蘇興曰廟灣各場重出鹽艘皆抵泰壩報監掣官稱掣以杜私夾

泰州未分縣以前通分司所屬之角斜栢茶泰分司所屬之富安安豐梁架東臺何架丁溪草堰等場俱在管轄乾隆三十三年分設東臺縣後則均屬東臺其鹽竈各條已見東臺縣志不具錄惟泰壩監掣官駐本州今於掣鹽各款著明焉

泰壩監掣官一員經管淮南通綱引鹽稱掣凡皮票馬簿以及屯船給發驗單並稽查通泰兩屬透漏夾帶等
泰州志 卷之十一 鹽法 二
弊駐泰州養廉七百兩典史二人

雍正六年江南巡按御史戴音保奏准泰壩令就近大員董其事復於十一年兩江總督尹繼善奏泰壩爲引鹽彙集之所各場夾帶私鹽皆於此貨售稽查抽稱不可無專員經理先經委上海縣縣丞郝大倫頗能實心辦理卽令該員再効力二年如果始終勤奮題升知縣以示鼓勵詞後接管之員令總督會同鹽政於通省佐貳內揀選委用復於嘉慶十年委員候補直隸州知州呂燕昭詳請嗣後委員更換以一年爲期以專責成奉批准行

秦屬出場鹽船以青蒲角爲總匯乾隆二十三年設委員駐青蒲角督率秦潼和家莊淤溪天滋廟四塘商役將滙歸鹽船催至秦壩嗣以青蒲以北鹽船既有場役押送又有委員督催將青蒲時堰殷莊大興四塘裁減爲通屬設巡之用通屬出場鹽船以海安鎮爲總匯皆由力乏橋入海安抵秦壩南關海安北卽徐家壩東卽力乏橋橋北路通秦屬南五場南路通通屬各場實爲水陸要隘復委官駐海安鎮卽將所裁青蒲角等四塘商巡之船移設海安姜堰馮甸天滋廟四塘巡緝催運青蒲委員移駐秦潼二員皆聽於秦壩並聽分司統轄

秦州志

卷之十一

鹽法

三

兩屬巡緝之外尙有往來催督之員今無之

秦壩監掣向係委員無關防乾隆三年兩江總督那蘇圖請給淮南監掣秦壩官關防雖有印信仍不爲實缺隨時詳委更替

以上俱見鹽法志

順治九年二月巡鹽御史張璿疏言督徵

國課首在鹽行不壅疏通引鹽尤在斤重無溢臣蒞任以來淮鹽歷運二年引課積欠數十萬屢行申禁乃從前掣法未修商胥通同作弊每鹽一引多至八九斤以上甚有多至二十斤者值茲鹽壅課逋之時何可不亟爲懲治按鹽法條例每夾帶鹽一斤應追割沒銀一分入

官計掣過所鹽四十一萬二千三百三十三引多出
六百九十七萬七千六百四十七斤應追割沒銀六萬
九千七百七十六兩四錢七分行運司追徵完解再各
商遵照部頒則例每引徵銀六錢七分五釐四毫行鹽
二百二十斤淮南加包索十五斤淮北加包索二十五
斤共計鹽一斤約徵銀三釐嗣後掣驗一準大公趨利
之商誰甘以一斤之鹽而當一分之罰則夾帶少而正
鹽銷所慮弊去名存將來當事者按數取盈是臣防姦
保課之苦衷反貽縱令夾帶之厲階伏乞

敕下 戶部查照施行部議鹽政稱掣原以防夾帶之弊鹽法

考開載有關掣有所掣有江掣如鹽逾引額掣出一斤
罰銀一分立法甚嚴今該御史稱掣過鹽引多出夾帶
鹽斤應追割沒銀兩自應照數解部再查場鹽抵關設
有運同逐船抽掣查明無弊方准過關抵所今夾帶如
許該運同何無稽查應令鹽臣嚴行申飭嗣後鹽船過
關務要照例稽查違者參處雍正六年十一月部覆江
南巡察御史戴音保條奏一秦壩之叢弊宜除也查場
窰所產鹽斤皆場商出本買運捆包之後必由秦州稱
準過壩然後運至儀徵待掣在秦壩俱有經理之人曰
壩客有持衡之人曰損頭又有喝報之人曰先聲此

係揚商出銀煩其料理豈知若輩見利忘義每與屯駁等船戶勾通遇場鹽到壩稱量斤重之時往往以多啣少畱其餘地爲販賣之資其所少斤兩仍責揚商補償所以商本日虧私鹽日熾雖舊例常委微員在壩查察不知微員不能彈壓而壩客諸人曲意趨承往往爲其所賣嗣後請飭就近大員專董其事查壩客損頭先聲等人既非官役又非額設自應驅逐裁汰行令江南督撫及兩淮巡鹽御史將此項人等名色悉行革除官爲召募練達誠實之人充當並就近責成大員專理其事俟場鹽運至泰壩親詣河干驗明引目眼同按引稱量

如有勾通情弊俱照興販私鹽例治罪其多帶鹽斤照數變價入官倘該員縱容徇隱聽巡鹽御史指名題參乾隆三十三年十二月鹽政尤拔世奏言通州運判所屬豐利等十場泰州運判所屬富安等十一場各商捆鹽俱僱場船運至泰壩稱掣另行僱換屯船運赴儀所此舊例也茲據通州運判陳洪緒以通屬各場與儀徵一水相通非如泰屬各場中隔泰壩必須過壩換船請將通屬場船到壩抽驗之後仍以原船轉運免其更換屯船以省擡運拋撒臣隨飭據運使議以通屬九場船順道至泰壩南關查船處所該壩官就近查抽放

其稱掣給票填簿等事悉照舊例辦理奉

報可

兩淮鹽引

國初仍明之舊惟剖一爲二每鹽一引額定連包索二百二十五斤零又解費納銀一分六釐加鹽二斤繼於康熙十六年戶科給事中余國柱請革去割沒溢斤公罪等名色於額引攤派每引加鹽二十五斤加課二錢五分又自康熙三十八年起至五十二年節次加添河餉銅斤織造等銀三十二萬七千六百二十兩每引加鹽四十二斤雍正四年五月於兵部尙書盧詢條奏案內泰州志

卷之十一

鹽法

六

戶部議准加鹽五十斤免其增課乾隆十三年二月因鹽政吉慶奏請蒙

恩於引額之外加鹽十斤亦免增課乾隆十六年二月又欽奉特恩賞加十斤不在原定成本之內兩淮綱食鹽每引以三百

六十四斤爲額乾隆二十八年七月奉鹽政檄行申嚴各場官捆重之責成等事案內飭定以兩桶配一引俱以四百斤出場乾隆五十六年飭定每引連包繩四百三十斤爲率過壩到所稱掣扣割嘉慶二十五年奉明督孫鹽政阿會奏

准將戊寅一綱引鹽自己卯綱起分十綱於正引內洒帶運行

網絞停止以淨鹽五百斤出場外加包索二十斤

連包索五百三十斤過掣現在各商辦運江甘食鹽斤

重與綱鹽一例辦理泰壩 檣冊

掣規附

各商以皮票到場重鹽後船載到泰通屬之鹽船以
南門高橋為率泰屬之鹽船以趙公橋為率屯船入
橋後商使到泰壩署報明某旗重出場鹽若干引於
挂號後監掣查明提鹽過掣泰屬鹽自板橋擡過壩
稱掣通屬鹽於南門西背掣鹽廳過掣掣後監掣給
稟填簿申報其代揚商開發屯船過壩總費者謂之

泰州志

卷之十一

鹽法

壩商掣鹽時代商寫帳者謂之代寫擡鹽者謂之扛

夫鉤鹽者謂之鉤手邑之力作藉以資生者無算

鹽義倉穀附

鹽法志載古所謂鹽倉皆以貯鹽非以貯穀明宏治
二年刑部侍郎彭韶奏立預備倉凡竈丁有罪輸贖
納米穀其中是為積穀備賑之始萬厯中陳禹謨疏
建積穀倉每分司二三處舊志載賑濟倉三十所散
在各場是今日分建各倉以便竈丁之權輿也雍正

五年

世宗憲皇帝特命酌盈劑虛因時損益以乙巳綱商人公捐二

十四萬兩動支公用外所有贏餘每年添補積穀於是揚州東關門蕃釐觀後有倉廣儲門外有三倉通州如臯鹽城板浦海州石港東臺自雍正五年至十三年陸續建倉均

場名鹽義倉泰州之倉雍正五年建在城內西南隅貯穀五萬石二商經管乾隆十一年增貯穀四萬石共九萬石僉添三商經管監掣到任時例往閱倉

